



REPUBLIC OF THE PHILIPPINES
PROVINCE OF PANGASINAN
MUNICIPALITY OF ANDA
OFFICE OF THE MUNICIPAL MAYOR

KAUTUSANG LOKAL NO. 52
Serye 2020

**KAUTUSANG LOKAL UPANG TUMALIMA O SUMUNOD ANG MGA TAO
SA MGA KASALUKUYANG PINAPAIRAL NA BATAS NG ATING BANSA AT PAMAHALAANG
LOKAL NG ANDA PARA MAPIGILAN ANG PAGKALAT NG SAKIT NA COVID-19 AT BIGYAN
NG KARAMPATANG KAPARUSAHAN ANG MGA TAONG LUMALABAG SA KAUTUSANG ITO**

SANG-AYON, sa Kodigo Local (RA 9160) ang Punong Bayan ng Anda, ay may karapatan na gumawa ng kaukulang hakbang laban dito sa mapaminsalang kalamidad na dulot ng COVID-19 at paraan sa ikaliligtas at kapakanan ng taong bayan;

SANG-AYON, sa alituntunin na nakasaad sa batas na kasalukuyang pinapairal sa bansa dahil sa COVID-19, pinagbabawal ang mga sumusunod:

- 1) Ang walang suot at hindi wastong paggamit ng 'MASKARA' pag lumabas ng bahay;
- 2) Ang paglapit-lapit o pagkumpol ng mga tao. Ugaliin ang isang (1) metrong pagitan sa bawat isa;
- 3) Ang paggala-gala sa labas kung walang sapat na dahilan at hindi pagsunod sa 'CURFEW HOURS' na itinakda ng batas;
- 4) Ang siksikan ng mga taong sakay ng barangay HATID-SUNDO sa bayan. Limitahan ang sakay alinsunod sa SOCIAL DISTANCING na pinapatupad;
- 5) Ang walang Quarantine Pass at Travel Pass na galing sa kani-kanilang barangay, maliban na lang sa mga FRONTLINERS, PNP, BFP, BHERT, RHU Personnel, BHW, PCG at Maritime Police;
- 6) Ang angkas (BACK RIDE) sa motorsiklo at 'BANGKULONG';
- 7) Ang mga taong mamimili sa palengke at grocery stores ng wala sa 'SCHEDULE' na itinakda sa bawat barangay. Hanapan ng Home Quarantine Pass at huwag papasukin at pagbentahan.

SANG-AYON DITO, AKO SI JOGANIE C. RARANG, bilang Punong Bayan ng Anda, Pangasinan, dahil sa kapangyarihang ipinagkaloob sa akin sa ilalim ng batas ng Republika ng Pilipinas, inuutos ko ang pagtalima o sumunod ang mga tao sa mga kasalukuyang pinapairal na batas sa ating bansa para mapigilan ang pagkalat ng sakit na covid-19 at bigyan ng karampatang kaparusahan sa mga taong lumalabag dito

Seksyon 1. Ang Kaparusahan.

Ang sinumang lumabag sa kautusang ito ay pinapatawan ng kaparusahan sang-ayon sa mga sumusunod:

- 1) Unang Beses – Paglinisin sa paligid o anuman ang ipag-uutos ng may kapangyarihan.
- 2) Pangalawang Beses – Penalidad sang-ayon sa nakasaad sa Batas ng Republika ng Pilipinas.

Seksyon 2. Pagkaroon ng Bisa.

Ang kautusang ito ay magkakaroon ng bisa agad.

Pinagtibay nitong ika-21 ng Abril, Dalawang Libo at Dalawampu sa Anda, Pangasinan.

JOGANIE C. RARANG
Punong Bayan